

林兆恩三教資料

新學
和
學

PDG

林兆恩三教資料目錄

一、林三教傳

采自《南雷文案》

二、林龙江之同志

柏青

三、補注吾前三教原委

柏青

四、大成教攷

林铁肩

五、補注大成教

铁蒼

六、林兆恩傳

黃壽祺

七、太谷派之开山始祖林龙江

晴山

八、三一教主林龙江先生傳略

陳暮禪

林三教传

(采自南雷文案)

鉄蒼

林兆恩、字懋勛、别号龍江、福之莆田人也。祖兵部侍郎富、父萬仞。兆恩年十八、为诸生、从二氏遊、得其旨、遂倡为合一之说。挽二氏以歸儒、而婚娶之；率吾儒以宗孔、而性命之。以坐禅之病释也、運氣之病道也、支离之病偏也、为说非之。

棄諸生不就、督学朱衡召而詰焉。对曰：「尧舜在上、下有巢由。」衡曰：「一汝做不得巢由。」兆恩曰：「一周召聽命于天、不可必得。巢由之做不做在已、何不得之有？」衡终不許、命之就学、为诸生都講。兆恩曰：「兆恩隐居六年、学不削其籍；是以诸生之隐、隐於山林也。今使列於诸生、而不責以科举、是以山人之隐、隐於学校。」当道

請見者，抗礼不屈，自任为孔孟家風。

嘉靖末，流倭入閩。兆恩著防倭管見，謂「不宜清野，不宜闭城，不宜遏糴，不宜惜費。濱海以至城邑，鄉人各自團練，首尾救应，則无地非城池，无人非官兵矣。不然，聚处孤城，適以自困耳」。當時不能用其言，以至於敗。兵后积屍盈野，兆恩出家財收瘞，至於數萬。耿定向督學閩中，以山林隱逸薦於朝，不報。

嘗於静坐中，闻唱「青陽洞口弄煙霞」之語。門人有言武當有青陽洞者，買舟遂往，至延平樟湖坂，雷雨翻空，孤舟掀舞，盖舟成而出浴也。明日登岸，石上有青陽洞三字，融然而悟，即日回棹。

兆恩以艮背法为人却病，行之多驗，又別有奇術，能

濟人於危急之時。故从之者愈众，自士人及於僧道、著籍為弟子者，不下數千人，皆分地倡教、所過、往觀投拜者，傾城里。有司約束之，亦不能止也。

遠近傳疑。巡按楊四知將劾治之，朝官多為之解者，焚其書板而止。已又為林蕃所告，知縣孫继有名捕兆恩、以囚服往，弟子不欲。兆恩曰：「今之不以囚服為辱者，即昔之不以囚庭為抗也。」二三子从吾久，尚不識礼分二字乎？继有卒白其事而謝之。

萬曆二十六年卒，年八十二歲。所著書數十萬言。

兆恩之教，偏為主今、道為入門，釋為極則。然觀其所得、結丹出神、則於道家之旁門為庶幾焉。國人謝肇淛謂其发狂而死，其弟子亦言晚年胸中有物隔礙，不措一辞；

即朝夕随侍之人，不能识其姓名，则又金丹之为祸也。一时胜流，袁宗道、蒲云举、王图、吴应宾、皆北面称弟子。邹元标极言其所学之正。有争之者，元标曰：「一语学随人意，何事力争？」袁黄曰：「一早岁读书，多有未解处；每於三教集中阅之豁然。」甚矣讲公之好奇也。近日程雲章倡教吴郭之间，以一篇言佛、二三篇言道、参两篇言儒。朱方旦则好言祸福。皆修饰兆恩之余术，而抹杀兆恩、自出头地。余患惑於其说者，不知所由起，为作林三教传。论曰：观兆恩行事，亦非苟矣。夫周程以後，必歛自立一说，未有不为邪者。兆恩奉二氏之学，恐人之识其邪也，而合之於儒。卒之驢非驢、马非马，并王所谓羸也，表哉。

鉄蒼跋——邑賢林龍江先生、倡艮背之法、在莆仙有
教主之稱。余敬其人品、而未嘗研其教義。猶憶黃梨洲南
雷文案中、有林三教傳、係持反對論調。姑附錄于此、其
言否？請研究三教者評之。

林龍江之同志

柏青

有明中葉後、倡三教合一者、非止龍江一人而已也。

屠隆、鄞县人、萬厯丁丑進士、官至禮部儀制司主事。

所著鴻苞四十八卷、大旨耽於二氏之學、引而加於儒者之
上。謂周公孔子、大而化之之謂聖；老子釋迦、聖不可知
之謂神。儒者言道之當然、佛氏言道之所以然。蓋李贄之

流亞也。(四庫書目提要二十四雜家类存目二)

王世懋嘗為興化知府、所著望崖叢之內篇一卷、皆論佛理、自称以三教歸一、与龍江屠隆所見相同。又有澹思子一卷、乃其誨學之書、多浸淫於二氏、蓋万厯以右士大夫、搢此論者十之九也。(四庫書目提要二十四雜家类存目二)

詹景鳳、休寧人、由舉人官至平樂府通判、所撰明辨類函、謂孔子与老子同生周世、为万古开辯局。又謂佛老倘真能信之、亦足為清心寡欲之助。景鳳于万厯辛卯、为王世貞刻書苑補益八卷、乃屠隆同时人也。(四庫書目提要二十二藝術类存目五)

林有麟、華亭人、以父蔭官至龍安府知府、所撰法界

佩珠、成於萬曆甲寅、雜採先儒格言、及二氏因果之語。
前有許崇善序、稱其撝菁華於三教、漱芳潤於百家、則固
明言其雜以釋道、非純然儒者之書矣。（四庫書目提要二
十五雜書類存目九）

以上四人、雖較龍江為後輩、而其宗旨頗同。

李世熊者、啟禎時人、所撰伍君六十壽序云：邑難已
定、一旦幅巾茹蔬、从里社讲林氏艮背之學、衣冠眉宇、
非復向人。（寒文集五）由是觀之、則林氏之學、於明清
間已傳及寧化矣。

補注吾莆三教源委

柏青

按金源初葉、有感陽人王喆者、葉家學道、狀若狂疾。
。正隆（金主亮年号）中、自稱遇仙於甘河鎮、飲神水疾
愈、遂自号重陽子。大定中、聚徒宁海州、（金山东總管
府所轄）、立三教平等會、以孝經、老子、教人誦誦、而自
名其教曰全真。元興之后、其教益盛。

都卯三餘贅筆曰：今之道家、有南北二宗。其南宗者、
謂自東華少陽君、得老聃之道、以授漢鍾離權、權授唐進
士呂巖、遼進士劉操、操授宋張伯端、伯端授石泰、泰授
薛道光、道光授白玉蟾、玉蟾授彭侶。其北宗者、理呂巖
授金王喆、喆授七弟子。其一邱處机、次譚处端、次刘处
元、次王处一、次郝大通、次马钰、及钰之妻孫不二。此
外又有所謂全真者、其名始喆。蓋喆大定金世宗年号中、

抵寧海州、馬珏夫婦築菴事之、題曰全真。由是四方之人、凡宗其道者、皆号全真道士云云。其說甚詳、然孰見其授受乎？厥後三教歸一之說、浸淫而及於儒者。明代講學之家、矜為秘密、實即詰之緒餘耳。

以上兩段、係出於四庫全書書目提要注甘水仙源錄（書目提要二八道家類存目）

仙水甘源錄者、至元中道士李道謙作、集文士所為碑記詩歌、合為此編；以其源出壺陽子、故取甘河鎮神水之事名焉。

道謙自稱夷門天樂道人、蓋河南人也。（四庫書目道家類存目古老子二卷注）

至邱處机者、據元史、為登州棲霞人、年十九、為全

真於宁海之崑崙山、与马珏、谭处端、刘处玄、王处一、
郝大通、孙不二、同师而王真人、金定、迄末俱遣使来召、
不赴。岁己卯。（宋宁宗嘉定十二年）元太祖自捺曼命近
臣访之、处机与弟子十有八人往见焉。太祖称之曰神仙。
（元史释老郇处机传及卷一百二十、机八儿火者传）

後世有攝生消息论一卷、相传为处机所作、皆言の时
调攝之法。其真出处机与否？无可证验。考处机答元太祖
言问、亦止以节慾保躬、无为清静为要、与此书颇相发明
或有所受之、亦未可知。（四库书目提要道家类存目）
按处机等皆在龙江先生之前。清同治宁海州志、述及

金元传道传说、恨未得其书而读之。

林文淡軒稿補遺、处士质夫君墓誌銘云、林氏有为儋

州同知者、其子橙、字質夫、倣劉氏墨莊、建危樓、擁書萬卷、与弟寶等畫同業、夜同寢。

龍江为總制富号省吾之孫、儋州之子質夫、又为總制之伯曾祖。其家世卷笥之盛如此、而距元时代甚近、吾意林氏危樓之上、必有甘水仙源錄、及攝生消息論之書、龍江得而讀之、此其三教正宗之所由出也。

至有明中葉、旨同龍江、而为僕所漏述者、尚有焦竑一人、竑字弱侯、山东日照人、万厯己丑進士第一、官至东宮讲读。著有友谈、主三教歸一、而欲陰駕佛老於孔子之上。紀昀識为姚江末流之極弊、不得復以偏家視之。一四庫全書目雜家类存目二

盖有明中葉、士大夫倡三教合一者、案繁有徒、此龍

江之所以興轍所至、途中焚香刈祀、至車橋不能前、而至
今猶存廟貌也。（三教先生行狀）

其後龍江教又、行於外省、又衍為大成教、亦稱大學
教。至清道光間、皖南石埭人周星垣号太谷者提倡之、而
其教遂盛。邑人陳晴山君云、大成衍為太谷、泰州兩派。
泰州者、太谷南派也、北派自張祖中以黃崖冤獄自焚死、
遂失其傳、所傳者僅泰州一派耳。当太谷盛也、一時从遊
者之众、罕能与匹；乃至招当道之忌、瘦死獄中。
晴山君有太谷派之升山始祖一文載于南侨刊行之興化
文献中、極有忌义、惜其文過於簡略、猶憶僕昔在杭州、
見某洞（似為煙霞洞）石壁上、鑿有龍江像、像旁有題句、
聞三教合一之旨、安知此非太谷派人之所為乎？願就江之

信徒有以答我也！

大成教考

林铁肩

铁苍先生：

林三教和太谷教之关系、清稗類鈔大成教条下、亦有记载、兹谨鈔寄呈覽。惟张积中在黄崖山上所倡之教、似有滅清復明之种族思想（原注——积中黄崖教、所祀者为伏羲、文王、周公、孔子、不祀佛老。名其经为指南经、似亦隐寓扶明之意。又其党徒袒右臂、或有反对左袒之思。民初年东方雜誌上、有人考证外教、而类涉内则无之、俟续考鈔奉。

又數年前某晚、曾陪先生在淑鄉觀劇、台上演少林僧
与清世宗門法事、先生於少林寺之出处、曾表懷疑。頃聞
上述类鈔天地会條載、少林寺在福建福州府莆田县九連山
中、而此載天地会传说、与劇情亦略同。足見少林寺純係
無稽之、与嵩山少林寺毫不相涉、亦趣事也。

附摘鈔清稗类鈔大成教條

倡者為道咸間之周太谷。太谷名星垣、一稱空同子、
石埭人、僑揚州、講學授徒、以心息相依為宗旨、意謂有
心無息、或有息无心、皆為小成。必以心息相依、而始為
大成也。或謂其學說出於林三教。林生晚明、以禪宗陰道
、混合姚江別派。歛人有程智此、（世稱雲莊先生）實紹
述之。以一四篇言佛、二兩篇言儒、二三篇言道；乃修飾

之餘術、而別出頭地。从遊者众、再傳而敗。其徒仍私自傳播、太谷殆亦燃其餘燼歟！

太谷大弟子之著稱於世者、为福建韓子俞、安徽華儀、張石琴、李晴峯。石琴名积中、为北派、居山东肥城之黃崖山；晴峯名光圻号平山、（世称龍川先生）、为南派、居江下之裏下河一帶。

咸豐丙辰五年、石琴避粵寇、往山东、初依其戚吳某、继遁而之黃崖山北。黃崖界長清、山形三面環抱、左右危峯若门户、中廣百畝。石琴築室於其巔、炫其術、引諸避兵者。不旬日、乃壘石为两砦、築大砦於其上、引河水環之、市弓弩甲杖为武備、~~廣其~~又建祭祀堂、祀伏羲、周公、孔子、文王、及太谷、用古器古衣冠、祭必夜、檀燭光數